

Járn- og steinullarframleiðsla.

Glerullar- og steinullarframleiðsla.

Fiskeldisstöðvar, ef framleiðsla er meiri en 1000 tonn á ári og afrennsli til sjávar, eða meiri en 100 tonn á ári og afrennsli í ferskvatn.

Sorphaugar og sorpbrennsla ef þær þjóna fleiri en 50.000 einstaklingum.

2.

Fiskimjölsverksmiðjur ef framleiðslugeta er meiri en 500 tonn á sólarhring og staðsetning í þéttbýli.

Fiskeldisstöðvar ef framleiðslugeta er meiri en 200 tonn á ári og afrennsli til sjávar, eða meiri en 20 tonn og afrennsli í ferskvatn.

Seiðaeldisstöðvar með meira en 350 þús. seiðum og afrennsli í ferskvatn.

Sorphaugar og sorpbrennsla ef þær þjóna fleiri en 10.000 einstaklingum.

Skolphreinsistöðvar ef frárennsli samsvarar 10.000 PE og leitt er til sjávar eða 100 PE og leitt er í ferskvatn.

3.

Fiskimjölsverksmiðjur ef framleiðsla er meiri en 500 tonn á sólarhring og staðsetning í strjálbýli. Einnig minni verksmiðjur sem staðsettar eru í þéttbýli.

Yfirborðsmeðhöndlun á járn, stáli og öðrum málum. Galvanisering og stærri fyrirtæki.

Framleiðsla á mjöli og feiti úr sláturúrgangi.

Sútunarverksmiðjur.

Olíumalar- og malbikunarstöðvar.

Fiskeldisstöðvar ef framleiðsla er meira en 100 tonn á ári og afrennsli til sjávar, eða meira en 10 tonn og afrennsli í ferskvatn.

Seiðaeldisstöðvar með meira en 150.000 seiði og afrennsli í ferskvatn. Sorphaugar og sorpbrennsla sem þjóna fleiri en 2000 einstaklingum. Skolphreinsistöðvar ef frárennsli samsvarar 5000 PE og leitt er til sjávar eða 500 PE og leitt er í ferskvatn.

4.

Yfirborðsmeðhöndlun á járn, stáli og öðrum málum annað en um getur í 3.

Seiða- og fiskeldisstöðvar annað en um getur í 1–3.

Lím- og málningarverksmiðjur.

Hreinlætisvöruverksmiðjur.

Plastvöruframleiðsla.

Olíumalar- og malbikunarstöðvar með breytilega staðsetningu.

Sorphaugar og sorpbrennsla annað en um getur í 1–3.

Skolphreinsistöðvar annað en um getur í 1–3.

## REGLUGERÐ

### um búfjárhald í Neshreppi utan Ennis.

1. gr.

Í Neshreppi utan Ennis er óheimt að vera með búfjárhald nema hjá þeim bændum sem á lögbýlum búa og hafa landbúnað fyrir aðalvinnu. Hreppsnefnd getur þó veitt öðrum sérstök leyfi til búfjárhalds gegn þeim skilyrðum sem um getur í reglugerð þessari.

2. gr.

Hver sem vill fá leyfi til búfjárhalds skal senda um það umsókn til hreppsnefndar ásamt yfirlýsingu um að hann beri að öllu leyti ábyrgð á því tjóni sem gripir hans kunna að valda.

## 3. gr.

Lausagangur hrossa er óheimill í hreppnum án leyfis hreppsnefndar, slíkum leyfum skulu fylgja sérstök leyfisbréf er hreppsnefnd gerir. Einnig er allur lausagangur búfjár, hverju nafni sem nefnist, bannaður innan girðingar umhverfis Rif og Hellissand. Hreppsnefnd er hvenær sem er heimilt að banna alla umferð með hross um þéttbýli (Rif og Hellissand) í hreppnum.

## 4. gr.

Öll gripahús skulu byggð úr þannig efni að auðvelt sé að halda þeim snyrtilegum og að búfénu líði vel í þeim. Húsum skal haldið vel við, þau máluð að utan og haldið hreinum. Öll óhreinindi frá búfénu (tað o.þ.h.) skulu fjarlægð og er með öllu bannað að safna neinu slíku utan húss.

## 5. gr.

Hreppsnefnd skal veita leyfi til búfjárhalds hverjum þeim sem ekki hefur gerst brotlegur í meðferð búfjár. Ef leyfishafi brýtur reglur um meðferð búfjár, t.d. gætir þess ekki á fullnægjandi hátt, skal afturkalla leyfið að undangenginni aðvörun.

## 6. gr.

Ef maður heldur búfé án heimildar, sem reglugerð þessi mælir fyrir um, skal lögreglustjóri að beiðni hreppsnefndar hlutast til um að búfé sé tekið úr vörslu hans og er heimilt að selja það á uppboði eða slátra því að undangenginni aðvörun. Sama gildir ef leyfishafi gætir ekki settra reglna um meðferð búfjárins þannig að það valdi tjóni eða óþrifum. Allan kostnað sem leiða kann af framangreindu, skal lögreglustjóri innheimta hjá eiganda búfjárins.

## 7. gr.

Hver sá sem fær leyfi til búfjárhalds skal greiða árlega leyfisgjald og beitartoll til Neshrepps utan Ennis. Með greiðslu beitartollsins fær leyfishafi upprekstrarheimild fyrir búfé sitt í eignarlandi hreppsins. Gjöld þessi skulu miðast við tegund og fjölda gripa. Þegar hreppsnefnd ákveður upphæð þessara gjalda skal hún hafa til hliðsjónar þann kostnað sem sveitarsjóður þarf að greiða vegna búfjárhalds í hreppnum, svo sem vörslu lands, kostnað við smölun o.fl. Gjöld þessi mega ekki verða tekjustofn til annarra verkefna sveitarfélagsins.

## 8. gr.

Hreppsnefnd skal sjá um að búfjárheld girðing sé umhverfis þéttbýli í hreppnum og skipuleggja landsvæði fyrir búfjárhald.

## 9. gr.

Brot gegn reglugerð þessari varða sektum. Með mál út af brotum skal fara að hætti opinberra mála.

Reglugerð þessi sem samin er og samþykkt af hreppsnefnd Neshrepps utan Ennis, staðfestist hér með samkvæmt lögum nr. 44 23. maí 1964 um búfjárhald í kaupstöðum og kauptúnum, sbr. lög nr. 38 23. maí 1980, til þess að öðlast gildi þegar í stað og birtist til eftirbreytni öllum þeim sem hlut eiga að máli.

*Félagsmálaráðuneytið, 12. apríl 1989.*

**Jóhanna Sigurðardóttir.**

*Húnbogi Þorsteinsson.*